

Provinciae Questor recte dici potest. Ejus enim est publicas pecunias provinciae suae conquirere, multas irrogatas vel pignoribus ablatis, colligere, & arario inferre. Iudicibus praesto adesse, & eorum mandata exequi: duodecim viros cogere, qui in causis de facto cognoscunt, & ad iudices referunt, (Iudices enim apud Anglos juris solum & non facti sunt iudices) condemnatos ad supplicium ducere & in minoribus litibus cognoscere. In maioribus autem jus dicunt Iustitiiarii, quos *Itinerantes* & *Iustitiiarios ad Assisas* vocant, qui quotannis hos Comitatus bis obeunt, ut de causis cognoscant, & de incarceratis sententiam ferant. Quod ad Ecclesiasticam jurisdictionem attinet, duas nunc habet Anglia provincias. Archiepiscopos item duos: *Cantuariensem* totius Angliae Primatem & *Eboracensem*. Quibus subsunt xxv. Episcopi: Cantuariensi xxii. Eboracensi tres reliqui, Angliae tribunalia sive juris fora, quas etiam curias dicimus, in triplici sunt differentia. Alia enim sunt Ecclesiastica, alia temporalia, & unum mixtum, quod Parlamentum vocant, & ex tribus Angliae Ordinibus constat & totius Angliae corpus representat. Hoc a Principe pro arbitrio indicitur summamque & sanctam auctoritatem habet in legibus ferendis, confirmandis, antiquandis, interpretandis, & in omnibus quae ad Reipublicae salutem spectant. Fora temporalia sunt duplicia, juris scilicet aut aequi. Iuris sunt, *Bancus Regius*, *Curia camera stellata*, *Bancus communis*, *Scaccarium*, *Curia Wardorum* & *Liberationum*, *Admiralii*, *Assisa*, alia quae obscura sunt, omittimus. *Bancus regius* ita dictus quod Rex ipse in eo praesidere soleat, Coronae placita tractat, *Camera stellata*, sive potius Curia consilii regii in qua tractantur criminalia, perjurya, imposturae, dolus malus, &c. *Bancus Communis*, quia communia placita inter subditos ex jure Anglico, quod commune vocant, in hoc disceptantur, nomen habet. *Scaccarium*, a tabula quadrangula, ad quam assidebant, nomen traxit, in eo omnes causae audiuntur quae ad Fiscum pertinent. *Curia Wardorum*, a pupillis, quorum causas tractat, nomen habet. *Admiralii Curia* res maritimas tractat. *Assisa*, quas dicimus, in quolibet Comitatu bis anno habentur, in quibus duo Assisarum Iustitiiarii ad hoc deputati cum Eirenarchis, sive pacis Iustitiiariis comitatu & de civilibus, & criminalibus cognoscunt. Fora aequitatis sunt *Cancellaria*, *Curia Requestarum*, Concilia in Limitibus Valliae, ex parte Boreali. *Cancellaria* a *Cancellario*, qui ibi praesidet, nomen traxit. In hac ex aequo & bono judicatur, & summum jus quod summa crux videri solet, temperatur. *Requestarum Curia* pauperum & regionum famulorum causas audit. Ecclesiastica fora praecipua sunt, *Synodus*, quae *Convocatio Scholae Cleri* dicitur, semperque simul cum Parlamento habetur: & *Synodi Provinciales* in utraque provincia. *Academia* in hoc regno duae sunt nobiles, *Cantabrigiensis* & *Oxonienis*, quibus additur tertia *Londinensis*. Ingenia producit Anglia non infelicia neque sterilia, virosque doctos & omnium facultatum & scientiarum peritissimos plurimos habet. Gens procera statura, venusta & candida facie est, caesi ut plurimum oculis, & ut sono linguae Italici per similes, ita corporum habitu ac moribus ab illis paene nihil discrepant. Victus maxima ex parte in carne consistit. Cerevisiam ex hordeo conficiunt, potum sapidum, gratum, jucundum. Hic in exteris etiam regiones asportatur. Vestimento non multum ab simili Gallico utuntur. Atque haec quidem de Anglia in genere dicta sufficient; reliqua in particularibus deinceps tabulis exponemus.

Leges & instituta.

Mores.

Victus.

Vestitus.